



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KEREITE YA 12**

**SESOTHO PUO YA LAPENG (HL)**

**PAMPIRI YA BORARO (P3)**

**PUDUNGWANA 2016**

**MEMORANDAMO**

**MATSHWAO: 100**

**Memorandamo ona o na le maqephe a 13.**

**KAROLO YA A: MOQOQO****POTSO YA 1**

- 1.1 **Tahleheloo e kgolo eo re kileng ra ba le yona lapeng leso.** *Moqoqo wa phetelo (Narrative) kapa o hhalosang (Descriptive)*  
 Moqoqong ona mohlahlobuwa o qoqa a pheta pale kapa a hhalosa kamoo ba ileng ba lahlehelwa ke ho itseng lapeng labo kateng.

**Dikahare tse ka lebellwang e ka ba tsena tse latelang:**

Mohlahlobuwa a ka:

- pheta ka tahleheloo efe kapa efe e kileng ya ba hlahela lapeng;
- pheta ka ho lahlehelwa kapa ho utswetswa thepa kapa tjhelete ka baka la bonokwane bo ileng ba etswa lapeng labo, ho tjhellwa ke ntlo;
- pheta ka ho fellwa ke mosebetsi ha e mong wa leloko hoo ba ileng ba qetella ba se ba sotleha;
- pheta ka lefu la wa leloko;
- pheta ka tlhalano ya batswadi e ileng ya ba ama habohloko;
- bolela kapa a hhalosa kamoo tahleheloo ena e ba ammeng kateng;
- hlahisa maikutlo a hae tahleheloo eo ba bileng le yona;
- phethela ka hore ba ile ba feta jwang mathateng ao kapa ditlamorao e bile dife.

**[Ela hloko: Tahleheloo eno e lokela ho ama ditho tsa lelapa kaofela e seng mohlahlobuwa feela]**

**[50]**

- 1.2 Ha ke a ka ka tseba hore ke na le sebete seo ke se bontshitseng mohlang oo.  
*Moqoqo wa phetelo (Narrative) kapa o hhalosang (Descriptive)*  
 Moqoqong ona mohlahlobuwa o qoqa a pheta pale kapa o hhalosa ketsahalo e ileng ya bontsha ho ba sebete ha hae.

**Dikahare tse ka lebellwang e ka ba tsena tse latelang:**

Mohlahlobuwa a ka:

- pheta kapa a hhalosa ka ketsahalo efe kapa efe eo a ileng a bontsha ho ba sebete ho yona;
- pheta kapa a hhalosa ketsahalo e itseng eo ho yona ho ileng ha bonahala hore o sebete;
- pheta kapa a hhalosa tsa letsatsi/mohlang oo ketsahalo ya ho ba sebete ha hae e etsahetseng ka wona;
- pheta kapa a hhalosa ka ho pholosa lelapa la habo, thepa kapa ntlo mollong kapa ho pholosa motho ya kotsing;
- qoqa ka ho pholosa motho makgatheng a lefu;
- qoqa ka ha a ne a itshireletsa kgahlanong le ditsotsi;
- qoqa ka ha a ile a kgonna ho laola koloi ha a ne a le makgatheng a ho kena kotsing e tshosang/nyarosang;
- hhalosa maikutlo ao a bileng le ona kamorao ho ketsahalo eo;
- dihela dikgala ka ho qoqa ka thuto eo ketsahalo ena e re rutang yona.

**[Ha mohlahlobuwa a buile ka diketsahalo tse mmalwa tseo a bontshitseng ho ba sebete ho tsona ka matsatsi a fapaneng, o batla a fokodisa tema ya hae.]**

**[50]**

**1.3 Batjha ba ka qoba jwang ho ima pele ba kena lenyalong. Moqoqo o halosang (Descriptive)**

- Moqoqong ona mohlahlobuwa o hlalosa diketsahalo tsa nnete ka tsela ya boiqapelo, mme a qaqise/hlakise ka tsela e hlakileng hore mmadi a tle a kgodisehe ka ho phethahala.
- Mohlahlobuwa a ka ngola ditaba tsa hae jwalo ka ha eka di etsahetse ho yena kapa mothong ya haufi haholo le yena bophelong.

**Dikahare tse ka lebellwang e ka ba tsena tse latelang:**

Mohlahlobuwa a ka:

- hlalosa mabaka a lebisang ho imeng ha banana ba esong ho nyalwe;
- hlalosa ditsela/mekgwa eo ba ka qobang ho ima pele ho lenyalo ka yona jk;
- ho qoba ho kena diketsong tsa thobalano pele ba nyalwa/nyala;
- ho sebedisa dithibelapelehi;
- ho buisana le bahlankana/dikgarebe tsa bona ka ditsela tseo ba ka di sebedisang ho thibela ho ima ba eso nyalane;
- ho ba le matsholo a hlophishwang ke baetapele ba batjha ao ho ona ho eletswang batjha ka tsa thobalano;
- ho ba le matsholo a hlophishwang ke Lefapha la Bophelo bo botle dikolong;
- ho ananela meetlo, mekgwa le ditlwaelo tsa setjhaba;
- ho qoba ho shebella ditshwantsho tse itshetlehileng thobalanong;
- ho ba sedi kgethong ya metswalle le ho qoba tshusumetso ya metswalle e fosahetseng.

[50]

**1.4 Botle le bobe ba ho etswa ha diteko tsa tshebediso e mpe ya dithethefatsi baneng ba sekolo. Moqoqo o sa tshehetse lehlakore (Discursive)**

- Mofuteng ona wa moqoqo mohlahlobuwa o sekaseka sehlooho a tadime mahlakore a mabedi a kgang ka mokgwa o tshwanang, mme a a buelle ka bobedi.
- Moqoqo ona ha o nke lehlakore, mme sepheo sa wona ke ho nehelana ka maikutlo mahlakoreng ka bobedi a taba a sa tshehetse lehlakore lefe kapa lefe.

**Dikahare tse ka lebellwang e ka ba tsena tse latelang:**

- Mohlahlobuwa a ka qala ka ho hlalosa sekgahla sa tshebediso ya dithethefatsi dikolong.

**Botle ba ho etswa ha diteko.**

Mohlahlobuwa a ka qoqa ka hore:

- diteko tse etswang baneng ba sekolo di ka thusa ho fedisa tshebediso ya dithethefatsi dikolong jwang;
- diteko tsena di ka ba ama jwang tshebetsong ya bona ya sekolo;
- diteko tsena di ka thusa batswadi jwang ho ba nnetefaletsa hore bana ba bona ha ba sebedise dithethefatsi sekolong le bophelong ka kakaretso;
- di ka thusa ho thibela mafu a ka bakwang ke tshebediso e mpe ya dithethefatsi jwang;
- diteko tsena di ka thusa ho bopa botho/boitshwaro bo botle ba baithuti jwang, boo e tla bang motheo wa bokamoso ba bona;
- di ka thusa hore sekolo se hlwaye jwang bao e seng e le makgoba a tshebediso ya dithethefatsi;
- di ka thusa jwang ho boloka ba seng ba hlabolohile; di ka thusa sepolesa jwang ho fumana mehlodi ya dithethefatsi;

1.4

**Bobe ba ho etswa ha diteko**

Mohlahlouwa a ka:

- bontsha kamoo diteko tsa tshebediso ya dithethefatsi di hatikelang ditokelo tsa bana kateng;
- qoqa ka kamoo di ka tshabisang bana ho tla sekolong kateng;
- boela a hlalosa ka kamoo di ka tshehisang bana ka thaka tsa bona kateng;
- tswela pele a hlalose ka kamoo diteko tsa ho sebedisa dithethefatsi di ka fedisang boitshepo ba bona kateng;
- qoqa ka ho fosahala ha diphetho tsa diteko;
- hlalosa ka kamoo di ka ba talolang thakeng tsa bona le ho ba nyenyefatsa kateng.

[50]

1.5

**Phano ya madi le ditho tsa mmele ke thuso e kgolo setjhabeng.**  
Dumellana kapa o hanane le sehlooho. *Moqoqo wa kgang (Argumentative)*

- Moqoqo ona ke wa kgang. Mohlahlouwa o lokela ho bontsha ntlhakemo ya hae kapa mohopolo oo a sekamelang ka ho wona e leng hore o dumellana kapa o hanana le sehlooho.
- O lokela ho hlahisa lehlakore le ho le ntshetsa pele, mme a le tshehetsa le ho le sireletska ka dintlha tse utlwahalang, tse kgodisang.
- Ntlhakemo ya mongodi e lokela ho hlaka ka nako tsohle.

**Dikahare tse ka lebellwang e ka ba tsena tse latelang:****Mabaka a ho dumellana le sehlooho**

Mohlahlouwa a ka:

- dumellana le sehlooho, mme a bontshe kamoo phano ya madi le ditho tsa mmele e leng thuso e kgolo setjhabeng kateng;
- hlalosa maemo ao ho wona phano ya madi le ditho tsa mmele di ka hlokehang;
- a ka fana ka mehlala ya ditho tsa mmele tseo ho ka fanwang ka tsona;
- kgothaletsa batho ho etsa diteko hore ba tle ba tsebe hore ebe ba loketse ho fana ka madi le ditho tsa mmele na;
- phethela ka ho kgothaletsa setjhaba ho ingodisetsa ho fana ka madi le ditho tsa mmele bakeng sa ho pholosa maphelo;

**Mabaka a ho hanana le sehlooho**

Mohlahlouwa a ka:

- hanana le sehlooho mme a nehelane ka mabaka ao ka ona ho fana ka madi le ditho tsa mmele ho se nang thuso setjhabeng;
- hlalosa maemo ao ho wona phano ya madi le ditho tsa mmele di sa amoheleheng;
- a ka tiisa ka mabaka ao ka wona a sa kgothaletsang hore ho nehelanwe ka madi le ditho tsa mmele a jwalo ka (ho retlwa le ho rekiswa ha ditho tsa mmele; ditumelo tse fapaneng; madi a ka nnang yaba a na le tshwaetso ya mafu a itseng) jj;
- phethela ka ho kgothaletsa setjhaba ho hanana le phano ya madi le ditho tsa mmele.

[50]

- 1.6    **Hoja ka mamela dikgalemo tsa batswadi le matitjhere a ka.**  
*Moqoqo wa boimamelo/o tebisang maikutlo (Reflective)*  
 Ke moqoqo wa boimamelo kapa oo mongodi a tebisang maikutlo a hae hodima se itseng seo a se nahanisang ka botebo.
- Dikahare tse ka lebellwang e ka ba tsena tse latelang:**  
 Mohlahlobuwa a ka:
- hlalosa bohloko ba ho se mamele ha a kgalengwa;
  - lokodisa diketsahalo tseo ho tsona a sa kang a mamela ha a ne a kgalengwa.ke batswadi le matitjhere;
  - qaqlisa mathata ao a ileng a kena ho ona ka lebaka la ho se mamele;
  - hlalosa seo a ithutileng sona diketsong tseo tsa hae tsa ho se mamele batswadi le matitjhere;
  - qoqa ka ditlamorao tse bosula tse ka thunthetsang bophelo ba motho;
  - dihela dikgala ka ho eletsa bomphato ba hae hore ba se kene molekong wa ho se mamele batswadi le matitjhere a bona.
- [50]
- 1.7.    **Ditshwantsho:** (1.7.1 le 1.7.2)
- Moqoqong ona mohlahlobuwa o qoqa a itshelehole ka **seo a se bonang kapa mohopolo wa sehlooho** o qholoditsweng ke setshwantsho maikutlong a hae;
  - Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.
- [50]

**MATSHWAO OHLE A KAROLO YA A:**

**50**

## KAROLO YA A: MOQOQO

### Ditaelo ho motshwayi:

- Mohlahlobuwa o lokela ho ngola ka sehlooho SE LE SENG FEELA KAROLONG YA A, mme a ngole ka dihlooho TSE PEDI KAROLONG YA B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlahlobuwa a **tswile lekoteng** nehelanong, etsa tsena tse latelang:
  - Abela mohlahlobuwa matshwao bakeng sa dikahare ho fell a kqatong ya pele feela.
  - Abela mohlahlobuwa matshwao bakeng sa tshebediso ya puo ho fell a kqatong ya pele feela.
  - Abela mohlahlobuwa matshwao bakeng sa seboleho ho fell a kqatong ya pele feela.
- Mohlahlobuwa a etse moralo bakeng sa tema ya hae: Motshwayi a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

### Tataiso bakeng sa ho tshwaya moqoqo:

Sehella lenseswe kapa polelo e fosahetseng mola, o be o bontshe mofuta wa phoso hodima lenseswe/polelo ka ho sebedisa matshwao ana a latelang:

- / bakeng sa ho arola mantswe a ngotseng a kopantswe empa a lokela ho arolwa;  
 — + bakeng sa ho kopanya mantswe a arohantseng a empa a ngolwa a kopane;  
 mn bakeng sa mongolo (*orthography*) o fosahetseng;  
 mp bakeng sa mopeleto o fosahetseng;  
 mt bakeng sa tshebediso ya matshwao a puo a fosahetseng kapa moo ho hlokehang letshwao la puo;  
 p bakeng sa puo e sa sebediswang ka nepo kapa ka tshwanelo/tlwaelo;  
 ^ bakeng sa lenseswe, karolwana ya lenseswe le matshwao a ho bala a silweng dipakeng tsa mantswe a mang;  
 // bakeng sa ho arola diratswana.  
 ← bakeng sa ha mohlahlobuwa a qadile polelo hara mola;  
 ↑↓ bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

### ELA HLOKO:

- Sebedisa ruburiki ena e latelang ka nako tsohle ha o lekanyetsa meqoqo (Pampiri ya 3, KAROLO YA A).
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlahisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Seboleho lona ha le a arolwa ka bokgoni bo nang le boemo bo hodimo le bo tlase.

### SENOTLOLO SA HO TSHWAYA:

Makgetha a tekanyetsa	Matshwao	Senotlolo
Dikahare le Moralo	30	DM =
Puo le Setaele le Tokiso ya diphoso	15	PST =
Seboleho	05	Seb =
<b>Matshwao ohle</b>	<b>50</b>	

**KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) - SLKT**

Makgetha a ho lekanyetsa	5. Phihlello e babatsehang	4. Phihlello e supang bokgoni	3. Phihlello e mahareng	2. Phihlello ya motheo feela	1. Phihlello e haellang
<b>DIKAHARE LE MORALO</b> Tshekatsheko ya seholoo: thophiso ya mehopolo le dintla, kelohloko ya baamohedi ba ditaba, maikemisetso le maemo	<b>28–30</b>  Boemo bo hoolimo - nehelano e bontshang kutlwiso e babatsehang ya seholooho e supang bokgoni bo ikgethang; - mehopolo e bontsha boqhetseke, e phepetsa monahano mme ke e sutsitseng; - e hlophisiswe hantle ka tsela e ikgethang mme o momahane ka tshwanelo ho kenyeditswe selelekela, mmele le qetelo.	<b>22–24</b>  Boemo bo hoolimo - nehelano e ralehileng hantle haholo; - mehopolo e tsamaellana le seholooho ka botlalo, e a kgahlisa mme e na le bopaki ba mehopolo e sutsitseng; - o hlophisiswe hantle haholo ka tsela e ikgethang mme o momahane ka tshwanelo ho kenyeditswe selelekela, mmele le qetelo.	<b>16–18</b>  Boemo bo hoolimo - nehelano ke e kgotsofatsang dithokheho; - mehopolo e momahane ka tsela e kgotsofatsang le e kgodisang; - o hlophisiswe ka tsela e utlwisisehang mme o momahane ka tshwanelo ho kenyeditswe selelekela, mmele le qetelo.	<b>10–12</b>  Boemo bo hoolimo - nehelano e momahane mona le mane; - mehopolo ke e seng ya boiqapelo mme e sa hilakang; - ho na le bopaki bo seng bokae ba thophiso le momahano ya nehelano.	<b>4–6</b>  Boemo bo hoolimo - nehelano e tswile lekoteng ho hang; - mehopolo ke e sa tsepamang e dubakaneng; - ha e utwahale mme dintla di a phetakakwa; - ha e a hlophiswa ka tshwanelo le momahano ha e yo.
	<b>25–27</b>  Boemo bo tlase - mosebetsi o tswileng matsoho leha o haellwa ke dintla tse ikgethang tsa moqoqo o babatsehang; - mehopolo ke e sutsitseng mme e bontsha boqhetseke; - o hlophisiswe hantle ka tsela e bontshang bokgoni mme o momahane ka tshwanelo ho kenyeditswe selelekela, mmele le qetelo.	<b>19–21</b>  Boemo bo tlase - Nehelano e radlweng hantle; - mehopolo ke e loketseng mme e thahasellisang; - o hlophisiswe hantle ka tsela e ikgethang mme o momahane ka tshwanelo ho kenyeditswe selelekela, mmele le qetelo.	<b>13–15</b>  Boemo bo tlase - nehelano e a kgotsofatsa le ha e sa hlaka mona le mane; - mehopolo e momahane le ho kgodisa ka tsela e mahareng; - ho na le thophiso le momahano e itseng ho kenyeditswe le selelekela, mmele le qetelo.	<b>7–9</b>  Boemo bo tlase - nehelano boholo e tswile lekoteng; - mehopolo ha e a momahana ka tshwanelo mme e a lahlehisia; - nehelano ha e a bopaki ba thophiso le momahano.	<b>0–3</b>  Boemo bo tlase - boiteko ha bo yo ba ho arabela seholoo;- mehopolo e tswile lekoteng ka ho phethahala, ha e a nepahala; - nehelano ha e a tsepama seholoong, mme e dubakane.
<b>PUO, SETAELE LE TOKISO YA DIPHOSO</b> Sehalo, rejisetara, setaele, tloltontswi ke tse lokelang sepho/tshusumetslo le maemo; Kgetho ya mantswe Tshebediso ya puo le twaelo, matshwao a ho bala le mopeleto	<b>14–15</b>  Boemo bo hoolimo - sehalo, rejisetara, setaele le tloltontswi di loketse sepho ka tsela e babatsehang, baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshepo ka tsela e tsotehang; - o sebedisitsse sehalo se matla mme se susumetsang ka tsela e ikgethang; - o batla o hloka diphosou tsa puo le tsa mopeleto; - o radilwe ka bokgoni bo tsotehang.	<b>11–12</b>  Boemo bo hoolimo - sehalo, rejisetara, setaele le tloltontswi di loketse sepho, baamohedi ba ditaba mmoho le maemo; - tshebediso ya puo e matla mme ho sebedisitsse sehalo se loketseng ka nako tsopleo; - boholo ba mosebetsi ha o na diphosou tsa tshebediso ya puo le mopeleto; - o radilwe hantle ka tshwanelo.	<b>8–9</b>  Boemo bo hoolimo - sehalo, rejisetara, setaele le tloltontswi ha di a lokela sepho, baamohedi ba ditaba mmoho le maemo; - tshebediso ya puo ke e loketseng, mme e fetisa moelego ka tshwanelo; - puo ya bonono ke e loketseng mme e sebedisitsse ka tshwanelo; - sehalo se sebedisitsse ka tshwanelo; - o radilwe ka tsela e mahareng feela.	<b>5–6</b>  Boemo bo hoolimo - sehalo, rejisetara, setaele le tloltontswi ha di a lokela sepho, baamohedi ba ditaba mmoho le maemo; - puo e sebedisitsse feela ka tsela ya motheo; - sehalo mmoho le moelego o hlasiswang ke tema ke tse sa lokelang; - ho sebedisitsse tloltontswi ya motheo feela.	<b>0–3</b>  Boemo bo hoolimo - puo e sebedisitsweng ha se e utlwisisehang; - sehalo, rejisetara, setaele le tloltontswi ha di a lokela baamohedi ba ditaba, sepho le maemo; - tshebediso ya tloltontswi e haellang haholo hoo nehelano e sa utlwisisehang.
	<b>13</b>  Boemo bo tlase - tshebediso ya puo ke e nepahetseng, mme e susumetsang sehalo sa tema; - o batla o hloka diphosou tsa puo le tsa mopeleto; - o radilwe ka bokgoni bo tsotehang.	<b>10</b>  Boemo bo tlase - tshebediso ya puo ke e sefutho mme e loketseng maemo; - sehalo ke se matla mme se loketseng; - ho na le diphosou tse seng kae tsa puo le tsa mopeleto; - o radilwe hantle.	<b>7</b>  Boemo bo tlase - tshebediso ya puo ke e kgotsofatsang le ha na le ho sa tsamaelane mona le mane; - Ka kakaretso sehalo ke se loketseng le ha puo ya bonono e le e haellang.	<b>4</b>  Boemo bo tlase - puo ke ya motheo feela mme e sebedisitsse ka tsela e haellang; - popeho ya dipolelo ke e tshwanang e se nang motswako; - tloltontswi e haella haholo feela.	
<b>SEBOPHEHO</b> Makgetha a tema: popeho ya dipolelo le kgodiso ya diratswana le bolelele bo hlokeheng.	<b>5</b>  Boemo bo hoolimo - kgodiso ya seholoo ke e babatsehang; - katoloso ya dintla ke e ikgethang; - dipolelo le diratswana di bopilwe ka tsela e ikgethang.	<b>4</b>  Boemo bo hoolimo - dintla ke tse loketseng mme tse hodisa seholoo;- momahano e bopilweng ke e supang bokgoni;	<b>3</b>  Boemo bo hoolimo - dintla tse loketseng di hodisa seholoo ka tsela e mahareng;	<b>2</b>  Boemo bo hoolimo - tse ding tsa dintla ke tse utlwahalang;	<b>0–1</b>  Boemo bo hoolimo - dipolelo le diratswana di na le diphosou;
<b>Matshwao a: 5</b>		- dipolelo le diratswana di bopilwe ka tsela e ikgethang.	- dipolelo le diratswana di bopilwe ka tsela e mahareng;	- moqoqo o ntse o hlasiswa moelego.	- moqoqo ha o na moelego o lebeletsweng.

## KAROLO YA B: DITEMA TSA KGOKAHANO

### POTSO YA 2

#### 2.1 Nalane ya tsa bophelo ba mofu

Ena ke tema eo ho yona ho ngolwang ditaba tsa nalane ya bophelo ba mofu.

##### **Dikahare tse ka lebellwang e ka ba tsena tse latelang:**

- Mofu ke mang, ke wa ha mang o tswalwa ke bomang;
- Tlhaho ya hae: sebaka moo a hlahetseng teng, letsatsi la tswalo le selemo;
- Tsa kgolo ya mofu: dithuto, mosebetsi le tsa lenyalo;
- Tsa lefu la hae: letsatsi le mokgwa oo a hlokahetseng ka wona;
- Maballo: bao a ba siyang;
- Theneketso/diphaflo: seboko sa hae.

**ELA HLOKO:** Ho ka etsahala hore e be mofu ha a fumana thuto ya sekolo, ha a sebetsa mesebetsi ya thuto jwalo ka ha re e tseba mme ebile ha a nyala/nyalwa. Maemong a kang ao mohlahlobuwa a ka ngola ka ditaba tse kang: tsela eo mofu a neng a phela ka yona, thuto ya lapeng, seabo sa hae lapeng la hae le setjhabeng. Tokodiso ya ditaba e be e nepahetseng mme tema ena e ngolwe ka tsela ya semmuso. Bolokolohi ba ho ngola diphaflo tsa seboko ka puo ya letswele bo nne bo be teng. Diboko tsa boiqapelo ha di amohelehe.

[25]

#### 2.2 Tekolokakaretso

Sepheo sa tekolokakaretso ena ke ho nehelana ka tlhahisoleseding ka pale e ileng ya balwa bukeng le ho tsosa thahasello mabapi le yona.

##### **Dikahare tse ka lebellwang e ka ba tsena tse latelang:**

Mohlahlobuwa a ka hhalosa tse latelang ka bokgutshwanyane:

- selelekela se lelekellang pale eo, empa a se ye lolololo haholo;
- mofuta wa sengolwa, sehlooho le mongodi wa buka;
- poloto ya buka kapa pale;
- tikoloho le nako ya diketsahalo tse hlahellang pale eo;
- dibapadi/baphetwa ba pale le seabo sa bona;
- thuto e fumanwang sengolweng seo;
- ya ngolang tekolokakaretso o na le kgetho ya ho ka nka ntlhakemo e itseng mme a be a hlahise mohopolo wa hae mabapi le ntihakemo eo ya hae;
- lebitso la molekodi, mme a phethele ka kgothalletso ya hae.

[25]

## 2.3 Lengolo la setlwaedi/setswalle

- Aterese e nngwe, ya mongodi mme e ngolwa e qala hodimo bohareng ba leqephe ho tloha tsohong le letshehadi ho ya ho le letona; Ha mohlahlobuwa a ngotse aterese le letsatsi/mohla di arohane kapa di kopane, ho se be le kotlo eo a e fuwang;
- Aterese e ngolwa ka mokgwa wa boloko; ha ho ngolwe matshwao a puo ntle le ha aterese eo e na le lebokoso la poso;
- Aterese ya ya ngollwang ha e hlahiswe mofuteng ona wa lengolo;
- Ka mora mohla ho tlolwa mola, ebe ho tla tumediso; yona e ngolwa ka tsohong le letshehadi, haufi le moo leqephe le qalang.
- Hlokombela hore ha ho ngolwe letshwao la puo ka mora tumediso;
- Seratswana sa selelekela se lokela ho ba sekgutshwanyane, mme se omele ditaba kapa se totobatse sepheo sa lengolo;
- Mmele wa lengolo o ahwe ka diratswana tse seng kae; di ka ba tharo kapa ho feta, mme mona ke moo ya ngolang a nontshang taba tsa hae tse mabapi le sehlooho sa lengolo;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole sefane/fane ya hao, mme ha ho ngollwa motswalle ho ka nna hwa qetellwa ha monatjana ka tsela eo ba bitsanang ka yona. Mohlala: mokgotsiao, ntjamme jj.

### Dikahare tse ka lebellwang e ka ba tsena tse latelang:

Mohlahlobuwa a ka:

- totobatsa sepheo seo lengolo le ngolwang ka sona (ho tsebisa motswalle ka bophelo ba yunivesithing);
- ngola ka bodulo ba hae moo yunivesithing;
- ngola ka metswalle e metjha eo a seng a kopane le yona;
- ngola le ka dithuto tse ntjha tsa yunivesithing;
- ngola le ka diphephetso tseo a kopanang le tsona yunivesithing moo;
- ngola ka dintle le dimpe tsa ho phela hole le batswadi.

[25]

## 2.4 Atikele e yang makasineng

### Sebopheho

- E ba le sehlooho se matla ebile se hohelang mahlo.
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele.
- E arolwa ka dikholomo tse bopilweng ka diratswana tse kgutshwane.
- Ditaba di hlahiswa ka sebopheho sa phiramiti e shebileng tlase.

### Dikahare tse ka lebellwang e ka ba tsena tse latelang:

Mohlahlobuwa a ka:

- ngola ka bohlokwa ba ho phela sebakeng se hlwekileng;
- thoholetsa batjha ka ho ikgobokanya ka sepheo sa ho etsa botle setjhabeng;
- kgothaletsa setjhaba ka kakaretso ho ithuta ka ketso e ntle eo batjha ba e entseng;

- 2.4 • kgothatsa batjha bao ka hore ba nne ba tswele pele ho etsa e meng melemo setjhabeng le ho ruta batjha ba bang ba so kang ba ikgobokanya ho etsa tse molemo sebakeng seo ba phelang ho sona le tikolohong ka kakaretso.

**ELA HLOKO:** Ha mohlahlobuwa a sa ngola ka sebopoho sa kholomo a ngotse feela ka tsela ya sehlooho, selelekela le diratswana (tsela ya moqoqo) a se fumantshwe kotlo. [25]

## 2.5 Lengolo la semmuso

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, ebe e latelwa ke letsatsi, kgwedi le selemo. Ka mora aterese ho tlolwa mola, pele ho ngolwa la mohla. (Ha mohlahlobuwa a ngotse aterese le letsatsi/mohla di arohane kapa di kopane, ho se be le kotlo eo a e fuwang);
- Aterese ya ya ngollwang e ngolwa ka letsohong le letshehadi. Aterese ya moamohedi e qala ka maemo a tshebetso a ya ngollwang ebe ho latela aterese ya hae ka bottlalo;
- Tlasa aterese ho ngolwa tumediso (Monghadi, mofumahadi kapa mofumahatsana/ Mong., Mof., Mofts.);
- Tlasa tumediso ho ngolwa mola wa sehlooho – o totobatsang sepheo sa lengolo, ebe ho latela selelekela;
- Qetelo ke ya semmuso mme e ngolwa e le '*Ka botshepehi, Ka boikokobetso jj;*
- Ya ngolang o ngola lebitso la hae ka bottlalo ka mora qetelo, ebe o a saena.

### Dikahare tse ka lebellwang e ka ba tsena tse latelang:

Mohlahlobuwa a ka

- totobatsa sepheo seo lengolo le ngolwang ka sona (ho ttleba ho mookamedi wa seteishene mabapi le kamoo sepolesa se sa kang sa mo sebeletsa hantle kateng);
- qaqlisa ketsahalo eo a neng a ilo e tlaleha sepoleseng;
- ngola ka mabaka a lebisitseng ho se kgotsafaleng ha hae ka mokgwa oo mapolesa a sa mo sebeletsang hantle kateng;
- ngola a hlahisa kamoo a ka thabelang ho thuswa kateng;
- sisinya se ka etswang ho lokisa maemo ao.

[25]

## 2.6 Puo

- Puo ke karolo ya bohlokwa ya phedisano.
- Ke tema e matla, e hohelang le ho qahamisa ditsebe tsa bamamedi.
- Hangata e etswa meketjaneng moo motho a mametsweng ke seholphahadi sa batho.

### Dikahare tse ka lebellwang e ka ba tsena tse latelang:

Sebui se leboha monyetla wa ho fumantshwa sebaka sa ho etsa puo mme se ka:

- bua se totobatsa sepheo sa ho nehelana ka puo eo, e leng ho kgothatsa baithuti ho ithuta ka matla hore ba tle ba iketsetse bokamoso bo botle le ho feta ba sona;

- bua se ba hopotsa hore le sona e ne e le moithuti moo, mme ho ikitlaetsa ha sona mosebetsing wa sekolo ho ile ha se betlela monyetla wa ho ba le bokamoso bo botle;
- phethela ka ho ba lakaletsa katileho le mahlohonolo boitokisetsong ba dithuto tsa bona.

[25]

<b>MATSHWAO OHLE A KAROLO YA B:</b>	<b>50</b>
<b>MATSHWAO OHLE A PAMPIRI ENA:</b>	<b>100</b>

## KAROLO YA B: DITEMA TSA KGOKAHANO

### Ditaelo ho motshwayi:

- Mohlahlobuwa o lokela ho ngola ka dihlooho TSE PEDI karolong ena.
- Ha mohlahlobuwa a tswile leketeng nehelanong etsa tsena tse latelang:
  - Abela mohlahlobuwa matshwao bakeng sa dikahare ho fell a kqatong ya pele feela.
  - Abela mohlahlobuwa matshwao bakeng sa tshebediso ya puo ho fell a kqatong ya pele feela.
  - Abela mohlahlobuwa matshwao bakeng sa sebopetho ho fell a kqatong ya pele feela.
- Mohlahlobuwa a etse moral o bakeng sa ditema tsa hae.

Mohlahlobuwa a etse moral o bakeng sa tema ya hae: Motshwayi a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

### Tataiso bakeng sa ho tshwaya tema e telele:

- Sehella lenseswe kapa polelo e fosahetseng mola, o be o bontshe mofuta wa phoso hodima lenseswe/polelo ka ho sebedisa matshwao ana a latelang.

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arohantsweng empa a ngolwa a kopane;
- Mn bakeng sa mongolo (*orthography*) o fosahetseng;
- Mp bakeng sa mopeleto o fosahetseng;
- Mt bakeng sa tshebediso ya matshwao a puo a fosahetseng kapa moo ho hlokehang letshwao la puo;
- P bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lenseswe, karolwana ya lenseswe le matshwao a ho bala a siilweng dipakeng tsa mantswe a mang;
- // bakeng sa ho arola diratswana;
- ← bakeng sa ha mohlahlobuwa a qadile polelo hara mola;
- ↑↓ bakeng sa ha mohlahlobuwa a fetoletsa dintlha tsa hae a qadile ka eo a lokelang ho qetella ka yona.

### SENOTLOLO SA HO TSHWAYA:

Makgetha a Tekanyetso	Matshwao	Senotlolo
Dikahare, Moralo le Sebopetho	15	DMS. =
Puo, Setaele le Tokiso ya diphoso	10	PST =
<b>Matshwao ohle</b>	<b>25</b>	

**RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]**

Makgetha a ho lekanyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE, MORALO LE SEBOPEHO</b>  (Nehelano le mehopolo) Ho rala, ho hlophisa mehopolo. Kehlohloko ya maikemisetso, baamohedi ba ditaba le maemo	<b>13–15</b>  -Nehelano e babatsehang ya sehlooho e supang bokgoni bo ikgethang; -Mehopolo e matla e sutsitseng; -Tsebo e batsi ya makgetha a mofuta ona wa tema; -Nehelano ha e kgere e tsepame sehollohong; -Mehopolo le dikahare ke tse momahaneng, tse hhalositsweng ka botebo, mme dintlha di tshehetsta seholloho; -Seboleho ke se loketseng se nang le diphoso tse mmalwa.	<b>10–12</b>  -Nehelano e ntle haholo e bontshang tsebo e ntle ya makgetha a mofuta ona wa tema; -Nehelano ha e a tsepama sehollohong ka ho phethahala ho na le ho kgere ho itseng; -Mehopolo le dikahare di na le momahano e amoheleheng;	<b>7–9</b>  -Nehelano e lekaneng e bontshang tsebo ya makgetha a mofuta ona wa tema; -Nehelano ha e a tsepama sehollohong ka ho phethahala ho na le ho kgere ho itseng; -Mehopolo le dikahare di na le momahano e amoheleheng;	<b>4–6</b>  -Nehelano ya motheo e bontshang tsebo ya makgetha a itseng feela a mofuta ona wa tema; -Nehelano e na le tsepama e itseng feela sehollohong empa e a kgere; -Mehopolo le dikahare ha se ka mehla di momahaneng; -Seholloho se tshehetswa ke dintlha tse itseng feela;	<b>0–3</b>  -Nehelano e totobatsa kgaello ya tsebo ya makgetha a mofuta ona wa tema; -Moellelo o nyotobetswa ke ho kgere ho hoholo; -Mehopolo le dikahare ha di na momahano; -Ke dintlha tse mmalwa haholo tse tshehetsang seholloho; -Ha ho na boiteko bo entsweng ho sebedisa seboleho se nepahetseng.
<b>PUO, SETAELE LE TOKISO YA DIPHOSO</b>  Sehalo rejistara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswe, matshwao a puo le mopeleto	<b>9–10</b>  -Sehalo, rejistara, setaele le tlolontswe di loketse ka ho fetisa maikemisetso, baamohedi ba ditaba le maemo; -Tshebediso ya puo e nepahetse e bile e bopehile hantle; -Nehelano ha e na diphoso.	<b>7–8</b>  -Sehalo, rejistara, setaele le tlolontswe di loketse ka ho fetisa maikemisetso, baamohedi ba ditaba le maemo; -Ka kakaretso tshebediso ya puo ke e nepahetseng e bileng e bopehile hantle;	<b>5–6</b>  -Sehalo, rejistara, setaele le tlolontswe di loketse maikemisetso, baamohedi ba ditaba le maemo; -Nehelano e na le diphoso tse itseng tsa tshebediso ya puo;	<b>3–4</b>  -Sehalo, rejistara, setaele le tlolontswe ha di a lokela maikemisetso, baamohedi ba ditaba le maemo hantle; -Tshebediso ya puo e fosahetse e bile e tletse diphoso tse ngata;	<b>0–2</b>  -Sehalo, rejistara, setaele le tlolontswe ha di dumellane le maikemisetso, baamohedi ba ditaba le maemo; -Nehelano e tletse diphoso e dubakane;
<b>MATSHWAO A 10</b>		-Tshebediso ya tlolontswe ke e lekaneng; -Diphoso ha se tse nyotobedsang moellelo.		-Tshebediso e seng kae ya tlolontswe; -Moellelo o nyotobedswe.	-Tlolontswe ha e dumellane le maemo; -Moellelo o nyotobedswe haholo.